

Na osnovu člana 22 Statuta Brčko distrikta Bosne i Hercegovine («Službeni glasnik Brčko distrikta BiH», brojevi 1/00, 4/00, 7/04, 20/05, 24/05 i 3/07), Skupština Brčko distrikta Bosne i Hercegovine, na 46. sjednici održanoj 12. aprila 2007. godine, usvaja

Z A K O N

O PLAĆAMA I NAKNADAMA ZAPOSLENIKA U PRAVOSUĐU BRČKO DISTRIKTA BiH

I. OPĆE ODREDBE

Član 1 **(Predmet)**

- (1) Ovim zakonom uređuju se: plaće, naknade, novčane pomoći i otpremnine zaposlenih u pravosuđu Brčko distrikta Bosne i Hercegovine (u daljnjem tekstu: zaposlenici).
- (2) Pod pravosuđem Brčko distrikta BiH podrazumijevaju se slijedeće institucije:
 - Pravosudna komisija Brčko distrikta BiH;
 - Apelacioni sud Brčko distrikta BiH;
 - Osnovni sud Brčko distrikta BiH;
 - Javno tužilaštvo Brčko distrikta BiH;
 - Kancelarija za pravnu pomoć Brčko distrikta BiH.

II. UTVRĐIVANJE PLAĆA I NAKNADA

Član 2 **(Sadržaj i visina plaće)**

- (1) Plaće i naknade sudija i tužilaca Brčko distrikta BiH utvrđuju se u skladu sa Zakonom o plaćama i drugim naknadama sudija i tužilaca u Brčko distriktu BiH («Službeni glasnik Brčko distrikta BiH», broj 1/06).
- (2) Plaće zaposlenih u institucijama pravosuđa Brčko distrikta BiH utvrđuju se u skladu s platnim razredima iz člana 6 ovog zakona. Bruto plaća je osnovna plaća, uz uvećanje iz člana 10 ovog zakona, u kojoj su sadržani porezi i doprinosi.

Član 3

- (1) Plaća se utvrđuje u bruto iznosu.
- (2) Bruto plaća je osnovna plaća uz uvećanje iz člana 10 ovog zakona u kojoj su sadržani porezi i doprinosi.
- (3) Osnovna plaća utvrđuje se množenjem osnovice i koeficijenta platnog razreda.
- (4) Visina osnovice za obračun plaća koja predstavlja i najnižu plaću, utvrđuje se budžetom Brčko distrikta BiH.

Član 4
(Sredstva za plaće i naknade i način obračuna)

- (1) Sredstva za plaće, naknade, novčane pomoći i otpremnine u skladu s ovim zakonom obezbjeđuju se u budžetu Brčko distrikta Bosne i Hercegovine.
- (2) Plaće se obračunavaju i isplaćuju do desetog radnog dana u mjesecu, za prethodni mjesec.

Član 5
(Podaci o plaćama)

- (1) Podaci o naknadama i plaćama korisnika su javni, a podaci o pojedinačnoj naknadi ili plaći svakog korisnika su tajna.
- (2) Zaposlenici dobijaju obračunsku listu s podacima o naknadama i plaćama u skladu s ovim zakonom.

III. PLATNI RAZREDI

Član 6
(Platni razredi)

- (1) Platni razred, koji se sastoji od šest individualnih stepena izraženih koeficijentom, osnovni je klasifikacioni element sistema plaćanja rada zaposlenih a određuje se na osnovu vrste, složenosti, uticaja, pritiska i obrazovanja za poslove koje radno mjesto zahtijeva.
- (2) Platni razredi, stepeni i koeficijenti utvrđuju se kako slijedi:

Platni razred	Stepen	Koeficijent
I	1	1,0000
	2	1,0217
	3	1,0434
	4	1,0651
	5	1,0867
	6	1,1084
II	1	1,1253
	2	1,1590
	3	1,1952
	4	1,2289
	5	1,2651
	6	1,2988
III	1	1,3229
	2	1,3663

	3	1,4096
	4	1,4506
	5	1,4940
	6	1,5349
IV	1	1,6145
	2	1,6675
	3	1,7205
	4	1,7735
	5	1,8265
	6	1,8795
V	1	1,9277
	2	1,9759
	3	2,0241
	4	2,0723
	5	2,1205
	6	2,1687
VI	1	2,2169
	2	2,2795
	3	2,3422
	4	2,4048
	5	2,4675
	6	2,5277
VII	1	2,6988
	2	2,7880
	3	2,8795
	4	2,9663
	5	3,0578
	6	3,1494
VIII	1	3,4988
	2	3,7880
	3	4,0771
	4	4,3663
	5	4,6554
	6	4,9422
IX	1	5,3012
	2	5,7398
	3	6,1783
	4	6,6169
	5	7,0554
	6	7,4916
X	1	7,8000
	2	7,9398
	3	8,0795
	4	8,2193
	5	8,3590
	6	8,4930

Član 7
(Radna mjesta i posebni uslovi)

Naziv radnih mjesta i uslovi neophodni za obavljanje poslova na tim radnim mjestima, utvrđuju se pravilnicima o unutrašnjoj organizaciji i sistematizaciji radnih mjesta u pravosudnim institucijama Brčko distrikta BiH, u skladu s članom 6 ovog zakona.

Član 8
(Promjena stepena platnog razreda)

Stepen platnog razreda utvrđuje se odlukom Pravosudne komisije ili ugovorom o radu i mijenja se u skladu sa Zakonom.

Član 9
(Pravo na osnovnu plaću za odsustvo s posla)

Zaposleni imaju pravo na osnovnu plaću za odsustvo s posla u slijedećim slučajevima:

- a) godišnjeg odmora u skladu sa Zakonom;
- b) plaćenog odsustva u skladu sa Zakonom;
- c) praznika i vjerskih praznika u skladu sa Zakonom;
- d) prekida rada koji je nastupio zbog okolnosti na koje zaposleni nije mogao da utiče.

Član 10
(Dodatak na plaću)

(1) Osnovna plaća zaposlenih uvećava se za vrijeme provedeno na radu u slijedećim slučajevima:

- a) noćni rad.....za 30%;
- b) rad subotom i nedjeljomza 20%;
- c) rad tokom praznikaza 35%.

(2) Dodaci iz stava 1 ovog člana se međusobno ne isključuju.

(3) Ovlaštene službene osobe u Sudskoj policiji Brčko distrikta BiH, nemaju pravo na uvećanje plaće na temelju noćnog rada i rada subotom i nedjeljom

(4) Sredstva u budžetu namijenjena za bruto plaće ovlaštenih službenih osoba Sudske policije uvećavaju se za 25% i isplaćuju se ovlaštenim službenim osobama na ime rizika i složenosti poslova koje obavljaju, posebnih uslova rada i primjene policijskih ovlasti, sve u skladu s posebnim Pravilnikom Sudske policije donesenim uz saglasnost Pravosudne komisije Brčko distrikta BiH.

(5) Sredstva u budžetu namijenjena za bruto plaće zaposlenih na pozicijama «operater-asistent» u Pravosuđu Brčko distrikta BiH, uvećavaju se do 9% i isplaćuju na ime posebnih uslova rada, a u skladu s Pravilnikom koji će donijeti Pravosudna komisija Brčko distrikta BiH.

IV. NAKNADE

Član 11

(Naknada za privremeno odsustvo s posla zbog spriječenosti za rad)

- (1) Zaposleni imaju pravo na naknadu plaće zbog spriječenosti za rad u slijedećim slučajevima:
 - a) privremene spriječenosti za rad zbog bolesti;
 - b) privremene spriječenosti za rad uzrokovane povredom na radu ili profesionalnim oboljenjem;
 - c) privremene spriječenosti za rad zbog komplikacija prouzrokovanih trudnoćom ili porođajem i porodiljskog odsustva;
 - d) privremene spriječenosti za rad zbog transplantacije organa i živog tkiva u korist nekog drugog lica ili kao primalac;
 - e) privremene spriječenosti za rad zbog suspenzije u skladu sa zakonom.
- (2) Pravo na naknadu plaće iz stava 1 tač. a), b), c) i d) ovog člana ostvaruje se u skladu s propisima koji regulišu oblast zdravstvenog osiguranja.

Član 12

(Naknada troškova za službena putovanja)

- (1) Zaposleni ima pravo na naknadu troškova u vezi sa službenim putovanjima kao što su dnevnice, troškovi prijevoza i sl.
- (2) Vrsta i visina troškova iz stava 1 ovog člana utvrđuje se pod istim uslovima i iznosima propisanim za službenike i zaposlenike u organima uprave Brčko distrikta BiH.

V. NOVČANE POMOĆI

Član 13

(Jednokratna novčana pomoć)

Zaposlenom, u slučaju privremene spriječenosti za rad zbog bolesti, pripada jednom godišnje jednokratna pomoć u visini od dvije najniže plaće zaposlenih u pravosuđu Brčko distrikta BiH, ako je odsustvovanje s posla duže od 6 mjeseci neprekidno.

Član 14

(Pomoć u slučaju smrti)

- (1) Zaposleni ili njegova porodica ima pravo na pomoć u slijedećim slučajevima:
 - a) smrti zaposlenog u iznosu od tri najniže plaće zaposlenih u Pravosuđu Brčko distrikta BiH;
 - b) smrti roditelja, bračnog partnera ili djeteta u visini od dvije najniže plaće zaposlenih u Pravosuđu Brčko distrikta BiH.

(2) Ukoliko više zaposlenih prima plaću iz budžeta Brčko distrikta BiH, u slučaju navedenom u stavu 1 ovog člana, pomoć može dobiti samo jedan zaposlenik i to onaj koji snosi troškove sahrane.

VI. OTPREMINE

Član 15 (Otpremnina prilikom odlaska u penziju)

Zaposlenima se isplaćuje otpremnina prilikom odlaska u penziju u trostrukom iznosu posljednje plaće zaposlenog, ili trostrukom iznosu posljednje prosječne plaće zaposlenih u Pravosuđu Brčko distrikta BiH, ukoliko je to za zaposlenog povoljnije.

Član 16 (Otpremnina i prekobrojnost)

U slučaju prestanka radnog odnosa nastalog usljed prekobrojnosti, zaposleni kojem je prestao radni odnos ima pravo na otpremninu:

- a) do navršenih 15 godina radnog staža, šesterostruki iznos posljednje plaće zaposlenog, ili šesterostruki iznos posljednje prosječne plaće zaposlenih u pravosuđu Brčko distrikta BiH, ukoliko je to za zaposlenog povoljnije;
- b) preko navršenih 15 godina radnog staža, dvanaesterostruki iznos posljednje plaće zaposlenog, ili dvanaesterostruki iznos posljednje prosječne plaće zaposlenih u pravosuđu Brčko distrikta BiH, ukoliko je to za zaposlenog povoljnije.

VII. PRIJELAZNE I ZAVRŠNE ODREDBE

Član 17 (Nadzor nad primjenom Zakona)

- (1) Pravosudna komisija Brčko distrikta BiH vrši nadzor i sprovodi odredbe ovog zakona, o čemu najmanje jedanput godišnje dostavlja izvještaj Skupštini Brčko distrikta BiH.

Član 18 (Stupanje na snagu)

Ovaj zakon stupa na snagu 8. (osmog) dana od dana objavljivanja u «Službenom glasniku Brčko distrikta Bosne i Hercegovine», a primjenjivat će se od 1. 1. 2007. godine.

Broj:0-02-022-35/07
Brčko, 12. april 2007. godine

PREDSJEDNIK
Skupštine Brčko distrikta BiH

Prof. dr. Milan Tomić